

Kommunini sulisut meeqqanik inuusuttunillu ajornartorsiuteqartunik tunngasunik oqaloqatigiinnissat siunertaralugit sulisut pineqartut qanoq assigiinngitsunik amerlatigisunik, kiisalu suliassiissutinik sulinerminnilu qanoq nammataqartiginersut, taamatullu suliassanut nukissanik naammaattunik peqartitsinersoq, kiisalu isumaginnittunut suliassat qanoq amerlassuseqarnissaat pillugu periarfissaqarnersoq, tamannalu pissusissamisoortuunersoq pillugit oqaloqateqarnissaq. Naalakkersuisut peqquneqarnissaannik Inatsisartut aalajangiiffigisassaatus siunnersuut. Naalakkersuisut misissuinerisa naliliinerisalu inernerana nalunaarusiorneqarluni kingusinnerpaamik 1. april 2016 Inatsisartunut tunniunneqassaaq
(Inatsisartunut ilaasortamit Aaja Chemnitz Larsenimit, Inuit Ataqtigiit, saqqummiunneqartoq)

pillugu

Ilaqtariinnermut Peqqissutsimullu Ataatsimiititaliap

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Ataatsimiititaliaq suliarinninnermini kingullermik ukuninnga inuttaqarpoq:

Inatsisartunut ilaasortaq Tillie Martinussen, Demokraatit, siulittaasoq
Inatsisartunut ilaasortaq Jess Svane, Siumut, siulittaasup tullia
Inatsisartunut ilaasortaq Laura Tàunâjik, Siumut
Inatsisartunut ilaasortaq Vivian Motzfeldt, Siumut
Inatsisartunut ilaasortaq Aaja Chemnitz Larsen, Inuit Ataqtigiit
Inatsisartunut ilaasortaq Juliane Henningsen, Inuit Ataqtigiit
Inatsisartunut ilaasortaq Mimi Karlsen, Inuit Ataqtigiit

UPA 2015-imi ulloq 12. maj 2015-imi siullermeerinninnerup kingorna ataatsimiititaliap siunnersuut erseqqinnerusumik misissorpaa.

Siunnersuutip imarisaa siunertaalu

Meeqqat inuusuttullu ajornartorsiortut pillugit suliassaqarfimmi sulisutigut nukissat pisariaqartinneqartut atugassiissutigineqartarnersut paasiniallugu Naalakkersuisut kommuninik oqaloqatiginninnissaat siunnersuuteqartup aalajangiiffigisassatut siunnersuuteqarnermini kissaatigaa. Kommunini suliassanik isumaginnittut meeqqanik

inuusuttunillu ajornartorsiortunik sullissisartut qanoq suliassanik tigummiartigalutillu nammakkersugaatiginerat qulaajarneqassaaq aammalu nalilerneqassalluni kommunini suliassanik isumaginnittut suliassanik qanoq amerlatigisunik tigummiqarsinnaanerannik aalajangersaanissaq periarfissaanersoq naapertuunnorsorlu. Naalakkersuisut misissuinerat pillugu nassuiaat kingusinnerpaamik 1. april 2016-imi saqqummiunneqassasoq siunnersuuteqartup kissaatigaa.

Nunatsinni meeqqat inuusuttullu ajornartorsiuteqartut pitsaanerusunik atugaqarnissaasa qulakkeerneqarnissaa siunnersuutikkut pingaarnertut anguniarneqarpoq. Aammali siunertaavoq kommunini suliassanik isumaginnittut suliassaminnik sukumiisumik sularinninnissaminnut pisariaqartumik piffissaqarlutillu nukissaqartinneqarnissaasa qulakkeerneqarnissaa. Tamatuma kinguneriniartussaassavaa meeqqat inuusuttullu tapersorsorneqarnissamik ikiorneqarnissamillu pisariaqartitsinerminnut piffissaagallartillugu ikiorneqarnissaat.

Siunnersuutip Inatsisartuni siullermeerneqarnera

Siunnersuutip siullermeerneqarneranut akissuteqaamminni Naalakkersuisut allannguutissatut siunnersuut una saqqummiuppaat:

”Naalakkersuisunit peqquneqassapput Kommunini sulisut meeqqanik inuusuttunillu ajornartorsiuteqartunik tunngasunik oqaloqatigiinnissat siunertaralugit sulisut pineqartut qanoq assigiinngitsunik amerlatigisunik, kiisalu suliassiissutinik sulinerminnilu qanoq nammataqartiginersut, taamatullu suliassanut nukissanik naammaattunik peqartitsinersoq, kiisalu isumaginnittunut suliassat qanoq amerlassuseqarnissaat pillugu periarfissaqarnersoq, tamannalu pissusissamisoortuunersoq pillugit oqaloqateqarnissaq. Naalakkersuisut misissuinerisa naliliinerisalu inerneru nalunaarusiorninngorlugit Inatsisartunut agguanneqassapput kingusinnerpaamik UKA16-imi.”

Allannguutissatut siunnersuuteqarnermut tunngaviuvoq misissuinerit ingerlanneqarnissaannut piffissaqartinneqarnerunissamik Naalakkersuisut kissaateqarnerat, soorlutaaq Qitiusumik Siunnersuisarfimmit misilittakkat nassuiaammi ilanngunneqarnissaat Naalakkersuisunit kissaatigineqartoq.

Naalakkersuisut allannguutissatut siunnersuutaat Siumumit, Demokraatinit, Atassumit aamma Partii Naleqqamit tapersorsorneqarpoq. Siunnersuutip siunertaa Inuit Ataqaatigiit aamma tapersorsorpaat, taamaattoq nalunaarusiap ukiumik ataatsimik kinguartinneqarnera meeqqanut kommuninilu sulisunut ernumanartoqarsinnaasoq isumaqarlutik.

Tamanna tunngavigalugu siunnersuut Ilaqutariinnermut Peqqissutsimullu Ataatsimiititaliamit sularineqartussanngorlugu innersuunneqarpoq.

Ataatsimiititaliap siunnersuummik suliarinninnera

Siunnersuummi siunertarineqartoq ataatsimiititaliamit tamakkiisumik taparserneqarpoq. Meeqqat inuusuttullu eqqortumik piffissaalluartillugulu ikiorneqarnissaat aalajangiisuulluinnarpoq. Aammattaaq kommunini suliaassanik isumaginnittunut pitsaasumik sinaakkutissaqartitsillutalu atugassaqartitsinissarput aalajangiisuulluinnarpoq, taamaaliornikkut siunissami artukkorsorneqarpallaaratik sivisuumik sulisinnaanermikkut suliaassaminnik isumaginnissinnaaqqullugit.

Taamaalillunilu pissutsit naammaginartut qulakkeerneqangippata meeqqanut inuusuttunullu taamatullu kommunini suliaassanik isumaginnittunut ajoqutaassaaq.

Meeqqanut inuusuttunullu taamatullu kommunini sulisunut suliniutinut sinaakkusiussat patajaallisarneqarnerat Naalackersuisunit taamatullu kommuninit ataatsimut soqutigisaqarfigineqartutut ataatsimiititaliamit isigineqarpoq. Taamaattumillu siunnersuut pillugu Naalackersuisut kommunillu anguniagaqarfiusumik suleqatigiinnissaannut tunngavissat tamakkiisumik pigineqarput.

Isumaginninnermut tunngasuni Naalackersuisut kommunillu ammasumik anguniagaqarfiusumillu suleqatigiinnissaat qanoq pingaaruteqartigisoq ataatsimiititaliap siusinnerusukkut arlaleriarluni erseqqissartarsimavaa. Ammasumik oqarnej ima paasineqassaaq ajornartorsiutit unammilligassallu suliniutigisamik aammalu nukissat qanoq ittut pisariaqartitamik erseqqissarnissaannut kommunit tunuarsimaassanngitsut. Tamatumani meeqqat tamarmik toqqissisimallutik peroriartornissaannik nuna tamakkerlugu anguniakkaq qulakkeerneqarnissaa siunertarineqarluni. Taamatutaaq naalackersuinikkut anguniagassatut nalunaarutigineqartut anguneqarnissaannut nukissat suliniutissallu pisariaqartinneqartut qulakkeerneqarnissaannut Naalackersuisut kommuninik anguniagaqarfiusumik ilasseraatumillu suleqatigiinnissapput.

Tamanna pereersimangippat meeqqanut inuusuttunullu anguniakkanik imaluunniit ilaqutariinnut anguniakkanik kommunit tamarmik akuersissutiginnequllugit ataatsimiititaliamit kaammattorneqassapput.

Kiisalu meeqqanik inuusuttunillu sumiginnaanermut akuersaanngilluinnarnermik aalajangiisuminnissamut kommunit ataatsimiititaliamit kaammattorneqarput.

Toqqissisimasumik patajaatsumillu peroriartornissap qulakkeerneqarnissaa aammalu sumiginnaasoqalersoq paasinarsigaangat ingerlaannaq akuleruttarnissaaq meeqqat inuusuttullu ineriartornerannut pingaaruteqarluinnarpoq. Sumiginnaaneq ataavartumik inuunerlu naallugu ajoquserneqarnermik nassataqarsinnaavoq.

Sumiginnaasoqalersoq paasinarsippat pasitsaanneqarpalluunniit ilaqutariinnut meerartalinnut siusissukkut anguniagaqarfiusumillu kommunit suliniuteqartarnissaminnik aalajangiusimanninnsaat pingaaruteqarmat ataatsimiititaliamit erseqqissarneqassaaq. Ilaqutariinni aalajangersimasuni meeqqat inuusuttullu pillugit nalunaarutiginninnerit ingerlaannartumik malitseqartinnissaannut kommunini suliassanik isumaginnittut nukissaqarnissaat aalajangiisuulluinnarpoq.

Suliassanik isumaginnittartut suliassanik piviusumik angumerisinnaasaminnik malitseqartissinnaasaminnillu amerlanerusunit suliassaqartannginnissaat angusinnaagutsigu kommunini nukinnik annertuunik sipaartoqarsinnaassagaluartoq ataatsimiititaliamit ilimagineqarpoq. Taamaaliornikkut meeqqanut inuusuttunullu tungasuni suliniutit pitsaasuunissaat qulakkeerneqassaaq. Meeqqanut inuusuttunullu tungasuni siusissukkut eqqortumillu suliniuteqarnissaq qulakkeerneqarsinnaappat kommunit aningaasarpassuarnik sipaaruteqarsinnaapput.

Ajoqusiinerup pereernerata kingorna suliniuteqartarnermut taarsiullugu pinaveersaartitsinermik siusissukkullu iliuseqarnissamut suliniutit patajaallisarlugillu salliutinnsaannut tunngavissaqarluarpoq.

Meeqqanut inuusuttunullu tungasut kisiisa kommunini suliassanik isumaginnittut sularineq ajorpaat. Isumaginninnermut inatsisit annertuupilussuupput aammalu inatsisit immikkuualuttut isiginiagassat malinniagassallu amerlapput.

Taamaattumillu makku aamma aalajangersarneqarnissaat ataatsimiititaliamit kaammattuutigineqarpoq:

- Kommunini innarluutilinnut tungasuni isumaginnittut suliassanik qassinik tigumminnsinnaannsaannut kisitsisiliinnsaaq
- Kommunini pisortanit ikiorsiissutit pillugit isumaginnittut suliassanik qassinik tigumminnsinnaannsaannut kisitsisiliinnsaaq
- Kommunini pensionisialinnut tungasuni isumaginnittut suliassanik qassinik tigumminnsinnaannsaannut kisitsisiliinnsaaq

Suliassanik siuliani immikkoortiterinerup malinneqarnissaa ataatsimiititaliamut aalajangiisuunnngilaq. Aalajangiisuusorli tassaavoq suliassanik qassinik tigumminnsinnaannsamut kisitsisiliilluni aalajangersaanikkut sullitanut aammalu suliassanik isumaginnittunut ataasiakkaanut nuannaarutaallunilu iluaqutaasumik suliassanik ingerlatsinerup pisariaqartumik pitsaassuseqalersinneqarnnsaannik qulakkeerinninnsaaq.

Siunersiuneq

Ataatsimiititaliaq ulloq 22. maj 2015-imi Ilaqutariinnermut, Naligiissitaanermut Isumaginninnermullu Naalackersuisumik siunersiivoq. Siunersiunerup siunertaraa nalunaarusiap kissaatigineqartup siunnersuuteqartup kissaatigisaatut 1. april 2016-imi saqqummiunneqarani UKA 2016-imi aatsaat Inatsisartunut Naalackersuisut saqqummiunniarneranut suna tunngaviunersoq sukumiinerusumik paasisaqarfigineqarnissaa.

Nalunaarusiamik suliaqarneq piffissamik atuisartoq pingaartumik matumani suliamut atatillugu arlalinnik akuusoqartillugu Ilaqutariinnermut, Naligiissitaanermut Isumaginninnermullu Naalackersuisup paasisutissiissutigaa. Suliami matumani aalajangersimasumi qanimut oqaloqatigiinnermik kommuninillu suleqateqarnissaq ingerlanneqartussaavoq. Tamanna naak, kommunini isumaginninnikkut ingerlatsisoqarfinni qassinik sulisoqarsinnaanera, sulisut qassiuneri, ilinniarsimasaat suliassallu qassiuneri pillugit pitsaasunik ilisimasaqartoqalereeraluortoq.

Suliassat amerlassusaat kommunini sulisunut tunngatillugu nukiit tamatumunnga attuumassuteqartut innersuussutigalugit kommunit suliami kingulliullugit tusarniarnissaat Ilaqutariinnermut, Naligiissitaanermut Isumaginninnermullu Naalackersuisup immikkut pingaaruteqartutut isumaqarfigaa. Nalunaarusiat Inatsisartunut saqqummiussassat nutsernerini pitsaassusaasalu qulakkearniarnerini eqqarsaatigisassat piffissamik annertunerusumik atuiffiusarput. Tamatuma malitsigisaanik Ilaqutariinnermut, Naligiissitaanermut Isumaginninnermullu Naalackersuisoqarfik politikkikkut salliutinneqartariaqartunik oqimaatsunik suliassaqaareerpoq. Matumani assersuutigalugu utoqqalinersiallit pillugit iluarsartuussineq, siusinaartumik pensionisiallit pillugit inatsisissaq nutaaq aamma ineqarnermut tapiissutit pillugit siunnersuutissaq taakkunungalu ilaasut saniatigut nalunaarutit ilitsersuutillu.

Siunnersuutip aningaasatigut kingunissai

Siunnersuutip piviusunngortinneqarnera 500.000 kr.-nik naleqartumik AC-mik ukioq naallugu sulisumik ataatsimik aningaasatigut kinguneqartussatut siunnersuummi tagginneqarnera ataatsimiititaliamit tusaatissatut tiguneqarpoq. Ukioq naallugu sulisorisaaq taanna Ilaqutariinnermut, Naligiissitaanermut Isumaginninnermullu Naalackersuisoqarfimmi inissisimassaaq.

Ataatsimiititaliap inassuteqaatai

Ataatsimiititaliami amerlanerussuteqartut Siumut Demokraatillu siunnersuut pillugu ima oqaaseqaateqarput:

Amerlanerussuteqartut siunnersuummi siunertarineqartoq tamakkiisumik tapersorsorpaat, meeqqat inuusuttullu navianartorsiortunut tunngatillugu kommunit sullissinerisa nukittorsaaqataaffigineqarnissaannut aalajangersimaqqissaartumi siunertalimmillu

suliniuteqarneranut siunnersuuteqartoq qutsavigalugu. Aammattaaq kommunini sullissisut illersorneqarnissaat illersorneqarsinnaasumillu sulinerminni atugaqarnissaat siunnersuummi siunertarineqarpoq.

Siunnersiunermini Ilaqutariinnermut, Naligiissitaanermut Isumaginninnermullu Naalakkersuisup tunngavilersuutai amerlanerussuteqartunit akuersaarneqarput, tamatuma kinguneranik nalunaarusiaq UKA 2016-imi aatsaat piareerneqarsinnaalluni. Aammattaaq meeqqanut inuusuttunullu tunngatillugu nukit qanoq annertutigisut immikkoortinneqartarnersut nalunaarusiami qulaajarniarneqarmat amerlanerussuteqartunit maluginiarneqarpoq. Tamanna pisariaqartumik peqqissaarullugu aamma misissorneqassaaq.

Qitiusumik siunnersuisarfimmik angalasartoqatigiit piaartumik kommunini ingerlatsivinnut sullissinerni, siunnersuinernik, ilitsersuinernillu kommunit ataanni inissisimasuni meeqqanik inuusuttunillu sullissinermi sullissisussat ilanngullugit ajornartorsiutinik qulaajaasartussat pilersinneqarnissaat matumani aalajangerneqarmat amerlanerussuteqartut ilanngullugu erseqqissaatigissavaat. Taamaaliornikkut ajornartorsiutit suliaralugit aallartinneqareerput.

Tamanna tunngavigalugu qulaani taaneqartut ataatsimiititaliami amerlanerussuteqartut Naalakkersuisut allannguutissatut siunnersuutaat akuerineqarnissaa innersuussutigaa.

Ataatsimiititaliami ikinnerussuteqartut Inuit Ataqtigiit siunnersuut pillugu ima oqaaseqaateqarput:

Amerlanerussuteqartut assigalugit siunnersuut tamakkiisumik tapersersornartuusooq ikinnerussuteqartut isumaqarput. Siunnersuut ullutsinnut naleqquppoq pisariaqarlunilu. Meeqqat inuusuttullu navianartorsiortut aamma kommunini sulisut sulinerminni pitsaanngilluinnartunik atugaqartut pineqarmata pingaaruteqarluinnarpoq suliassap salliutinneqarluinnarnissaa.

Ullut ataasiakkaat meeqqanut inuusuttunullu pissutsinik nukittorsaaffiunngitsut ingerlaneranni, taakkunanga arlallit inuunerminni akornuserneqartussaapput. Tamanna meeqqanut inuusuttunullu aalajangersimalluinnartunut atuuppoq. Kommunini sullissisut meeqqanut inuusuttunullu sulianik ilungersunarluinnartunik amerlavallaartunik suliaqartut uppernarseqqammerparput. Pisuni arlalinni suliassanik hunnurujut arlalinnik suliassaqartarput tamannalu sulinermini inuttulluunniit suliarineqarsinnaanngilluinnarput. Sullissisut atugaat pillugit nakkutilliilluni nalunaarusiat nalunaarusiallu takutippaat, piffiit ilaanni isumaginntoqarfiit ataannii sulisut naammaginangitsumik atugassaqaatitaasut, kingullertigut allaaserineqarluni sullissisut ilaat tamarmik immikkut suliasanik 100-300-nik akisussaaffeqartartut. Matumani nunatta Naalagaaffiit Peqatigiit Meeqqat pillugit

Isumaqatigiissutaanni immikkoortoq 3-mi, sullissisumut ataatsimut suliassat naammaginatsumik amerlassuseqarnissaannik allaaserineqarsimasoq malinniarlugu toqqarsimappagu naammasisinnaanagulugu naammaginangitsutut naapertuuttutullu isumaqarfiginngilarput. Pineqartoq ilungersunartoq tamanna pingaartutut isiginnginnatsigu politikikkut illersorneqarsinnaanngilaq. Meeqqanut inuusuttunullu ikiorsiisarneq pillugu malittarisassat matumani ilanngullugu Meeqqat pillugit Isumaqatigiissummut sanilliullugu nunatsinni meeqqanut inuusuttunullu pissutsit ulluinnarni unioqqutinneqartuarpot. Meeqqat inuusuttullu navianartorsiortunut pissutsit kiisalu taakkununga ilaqutaasunut pissutsit Naalakkersuisunit annertuumik pingaartinneqarnissaat neriuutigineqartariaqarpoq.

Tamanna tunngavigalugu qulaani taaneqartut ataatsimiititaliami ikinnerussuteqartut siunnersuutaqaqqartoq Inatsisartunit akuerineqaqqullugu innersuussutigaat.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

Tillie Martinussen,
Siulittaasoq

Jess Svane

Laura Tàunâjik

Vivian Motzfeldt

Aaja Chemnitz Larsen

Juliane Henningsen

Mimi Karlsen